



**ISTRAGA** SUD DONIO PRIVREMENU MJERU

# Šariću i Bjeliću blokirano više od 900.000 maraka

Novac imali na računima u tri komercijalne banke u BiH. Osumnjičeni za utaju više od tri miliona KM, organizirani kriminal i pranje novca

Vlasnicima Studentskog hotela "Emiran" u Sarajevu Emiru Šariću (1972) i benzinske pumpe "Umax Group" Hasibu Bjeliću, osumnjičenima za utaju više od tri miliona maraka, privremeno je blokirano više od 900.000 maraka koje su imali na računima u tri komercijalne banke u BiH.

-Kantonalni sud u Sarajevu je na zahtjev sarajevskog Kantonalnog tužilaštva odredio privremene mjere osiguranja zabrane isplata i raspolaganja novčanim sredstvima s računa dvojice osumnjičenih - kažu u Kantonalnom tužilaštvu u Sarajevu.

Šarić i Bjelić su uhapšeni u akciji SIPA-e 7. jula od kada



Uhapšeni u akciji SIPA-e 7. jula ove godine

FOTO: ILUSTRACIJA

su i u pritvoru, a sumnjiče se još i za organizirani kriminal i pranje novca.

Tužilaštvo ih tereti da su u periodu od 2010. godine do hapšenja utajili više od tri miliona maraka na način što su izbjegavali plaćanje poreza na dohodak od prihoda koje su stekli zastupanjem Special Security Vehicle Trading iz Dubaija, koje su zastupali prodajom i marketinškim predstavljanjem.

Novac su uplaćivali na njihove privatne devizne račune u više komercijalnih banaka, a zatim su taj novac koristili za kupovinu automobila i nekretnina na području Federacije BiH.

Z. Đ.